



Broj: 05-04-20-5080-3/22  
Maglaj, 15.12.2022. godine

Na osnovu člana 70. Zakona o javnim nabavkama („Službeni glasnik BiH“, br. 39/14 i 59/99) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), a u vezi sa Zapisnikom o pregledu i ocjeni ponude, broj 05-04-20-5080-2/22 od 14.12.2022. godine, u postupku javne nabavke „Nabavka rabljenog terenskog vozila“, Općinski načelnik donosi

## ODLUKU

o izboru najpovoljnijeg ponuđača

### I

Prihvata se preporuka komisije za javne nabavke i ugovor za nabavku rabljenog terenskog vozila dodjeljuje se ponuđaču „ILMA“ d.o.o. Tešanj, u skladu sa ponudom broj 034-22 od 01.12.2022. godine, po ukupnoj cijeni od **49.500,00 KM bez PDV-a, odnosno 57.925,00 KM sa PDV-om.**

### II

Za realizaciju ove odluke zadužuju se Služba za urbanizam, geodetske i imovinsko-pravne poslove Općine Maglaj i Služba Civilne zaštite Maglaj.

### III

Ova odluka dostavlja se svim ponuđačima koji su učestvovali u postupku javne nabavke i ima se objaviti na internetskoj stranici Općine Maglaj.

## O b r a z l o ž e n j e

Odlukom o pokretanju postupka, broj 05-04-20-5080/22 od 24.11.2022. godine, pokrenut je postupak javne nabavke „Nabavka rabljenog terenskog vozila“, konkurentski zahtjev za dostavu ponuda. Predmetna javna nabavka objavljena je na Portalu javnih nabavki, obavještenje o nabavci broj 1140-7-1-125-3-68/22 od 24.11.2022. godine, Ispravka obavještenja broj 1140-7-1-125-8-73/22 od 05.12.2022. godine. Kriterij za dodjelu ugovora je najniža cijena.

Predmetni postupak je provela Komisija za javne nabavke, imenovana Odlukama br. 05-45-1-1069/22 od 19.05.2022. godine i 05-45-1-1069-6/22 od 02.12.2022. godine. U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila sljedeće:

U predmetnom postupku, Komisija je utvrdila da je blagovremeno zaprimljena samo jedna ponuda, ponuđača „Ilma“ d.o.o. Tešanj. Neblagovremenih ponuda nije bilo.

Komisija je utvrdila da ponuda i formom i suštinom ispunjava sve uslove iz tenderske dokumentacije, te ju je ocijenila prihvatljivom. Članovi komisije za nabavke, imenovani Odlukom broj 05-45-1-1069-6/22 od 02.12.2022. godine, dana 14.12.2022. godine u

prostorijama ponuđača „Ilma“ d.o.o. Tešanj izvršili su pregled ponuđenog vozila, u skladu sa tačkom 5.3. tenderske dokumentacije, te utvrdili da ponuđeno vozilo posjeduje sve tehničke specifikacije i karakteristike tražene tenderskom dokumentacijom. U skladu s navedenim, a cijeneći činjenicu da cijena ponude nije veća od procijenjene vrijednosti nabavke, Komisija je rukovodiocu ugovornog organa dala preporuku da ugovor za nabavku rabljenog terenskog vozila dodijeli ponuđaču „Ilma“ d.o.o. Tešanj.

U postupku donošenja ove odluke, posebno su cijanjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, sa najnižom cijenom nakon e-aukcije, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

**POUKA O PRAVNOM LIJEKU:** Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od 10 (deset) dana od dana prijema Odluke.

**DOSTAVLJENO:**

1. Ponuđači – putem maila
2. Služba za urbanizam, geodetske i imovinsko-pravne poslove
3. Služba Civilne zaštite
4. Internetska stranica
5. a/a

